

指誓取貪殘會當偕我袍澤戮力戎行足定東江奮戈北指俾我國家人格不致爲曹氏犧牲即數年護法之功亦不致中道而廢掬血陳詞敬聞後命東路討賊軍第四軍軍長兼東江前敵總指揮張國楨銑印

中央直轄廣東討賊軍第一路司令譚啓秀呈 大元帥皓電

廣州孫大元帥睿鑒各總司令各部長廖省長參眾議院各軍民長官各法團各報館鑒民國成立十有二年變亂相尋迄無甯日誰爲爲之非帝制餘孽直系首領曹現有以致之乎我大元帥一再優容冀其覺悟促進國內之統一詎曹賊野心未死毀法孤行近復賄買無恥議員非法選舉盜竊神器等議會爲貿易場視總統爲買賣品廉恥盡喪騰笑友邦莫此爲甚倘不速爲推倒則我國人民不特受直系之魚肉且將變爲亡國之奴隸啓秀份屬軍人責無旁貸願率健兒追隨諸公之後殲彼醜類奠我邦基倚馬陳詞不勝迫切待命之至中央直轄廣東討賊軍第一路司令譚啓秀叩皓

香山縣縣長朱卓文呈 大元帥養電

廣州孫大元帥鈞鑒曹現賄選辱國太甚明令討伐薄海歡騰屬在下僚尤殷鼓舞業於本日通電全國一致主張其文曰廣州各報館并轉各總司令各軍師旅長各機關各團體上海漢口北京各省各埠各報并轉各省軍民長官各護軍使各鎮守使各師旅長各機關各團體海外中華會館中國商會公鑒共

和元首代表國家非有偉大勛勞允孚衆望必須特殊政見號召人心歐美列邦已有成例曹琨以前清裨將因緣時會得總帥干反對共和則叛變京兆擁護帝制則統兵入川招權納賄穢德彰聞難以指數其在民國固無政見無勛勞而罪不勝誅者也倘國有法度置諸重典亦復死有餘辜而乃包藏禍心盜竊名器公行賄賂爲所欲爲國會自身有無問題選舉手續是否適合胥置不問也此而可認爲元首代表國家非惟中華民國之羞抑亦世界民主之玷而且聯皖排皖親奉制奉擁徐而又倒徐迎黎而又逐黎反覆無常惟我自便更復喉楊森以亂川勾袁祖銘以亂黔結沈鴻英陳炯明以亂粵數年以來致使全國人士無一日安枕者罔非曹琨一人自私自利爲之作祟也今則兵禍頻仍民窮財盡西南與東省無論矣卽其卵翼僞廷之下政費無着教育費無着海陸軍之欠餉亦無着彼於全國告窮之時竟有一千三百餘萬之大宗款項以供賄選之用是竭天下人之膏血以製造一人之虛榮事之不平甯過於此羣起反抗函電紛馳足徵人心大有可用我孫大元帥俯順輿情大張撻伐凡有血氣靡不贊同所望全國志士風起雲湧毋徒空談力謀實力之援助尤望東江將士及從前護法諸公年來顯被欺朦致爲利用或自相殘殺或袖手旁觀釀成今日牽制之局者及時覺悟回復感情一致討賊否則螭蚌相持漁翁得利曹賊必掀髯而笑曰天下英雄皆入吾彀中我亦猶人寧不愧死况彼固素以北洋正統自囿者勢如段張位極徐黎尙遭屏棄抑何愛於諸公洪楊往事可爲痛心人生不滿百何苦舍正路而不由或

謂勢成騎虎難以中下此激於一時意氣之言耳試問今日之事國家爲重抑意氣爲重權衡再四當能豁然更有一言以爲北方將士告者內亂頻經外患日急不謀自決何以圖存諸公誠欲亡國則已若猶有絲毫愛護民國之心而毀法亂國罪惡昭著之曹琨何尙戴爲至尊容其宰制卽就諸公個人私益言之朝發乞餉之電夕派索餉之使呼號奔走所得幾何謂其經濟困難耶而賄選經費達至千萬奚自而來敢斷言曰尅扣軍餉其一也進言之卽犧牲諸公之生命名譽以博曹氏一人之富貴也好男兒公不能捍衛民國徒成曹氏家賊之名私不能博取升斗以應箇人事畜之用苟非昏瞶其何以堪燕趙古多豪俠爲今之計服從民意直取曹琨之首以告天下上也次則倒戈相向歡迎討曹之師俾南北相持之局決於一朝亦不失爲識時俊傑若執迷不悟甘心附逆延長戰禍徒苦生靈公憤所在行見曹琨授首公等抑將何以自處斯則策之下矣伏念我 孫大元帥自提倡革命以至今日天下爲公之念無事不可以告人其救國志願終始不渝亦爲全國同胞所共見以故滿清之亡也袁氏帝制之失敗也徐世昌黎元洪受人傀儡而終歸於失意以去也無一不在意計之中卽無一不爲主張貫徹之結果此次提滇桂湘粵川黔贛百戰之師復得浙閩奉吉黑聲應氣求之助且有農工商學各界及海外華僑慷慨激昂之民氣以爲之後盾是率天下以敵曹氏一人勝敗之機奚待龜卜卓文心存報國志切鋤奸秣馬厲兵聽候驅策義無返顧敢告邦人如賦同仇願聞明教中央直轄游擊總司令朱卓文叩養印